

Radno mjesto na kućnom pragu

Malina nema dugu tradiciju intenzivnog uzgoja na području opštine Zenica, međutim posljednjih godina sve se više uzgaja, tako da okolina Zenice za kratko vrijeme postaje prepoznatljiva po uzgoju jagodičastog voća. Razvoj i ekspanzija malinarstva ne samo da je omogućila razvoj poljoprivrednog sektora, već i samozapošljavanje i egzistenciju za poljoprivredna gazdinstva. Prepoznavši u gajenju malina zanimanje budućnosti, sve je više onih koji se odlučuju za ovaj vid poljoprivredne proizvodnje. Priča o novim zasadima maline dolazi iz udruženja „Eko Tvrkovac“, iz Zenice, koji su zajedno sa Partner MKF u posljednje tri godine podigli više od 80 zasada maline. Devetnaest kilometara od Zenice, na području sela: Puhovac, Arnauti, Briznik, Radinovići i Varda, podignuti su zasadi maline sorte Vilamet i Mikeer površine 90 dunuma. Sve je ovo rezultat dugogodišnje saradnje farmera sa ovog područja, Zemljoradničke Zadruga „Pronatura“ i Partner Mikrokreditne fondacije.

Prema riječima Spahić Jakuba, sekretara udruženja „Eko Tvrkovac“ koji se i sam bavi uzgojem malina, saradnja sa Partnerom u podizanju zasada je izuzetna. Na području brda „Postojan“ na 894 metra n/v, podignuto je 20 dunuma maline, prema savremenim agrotehničkim mjerama. *„Moje komšije i ja, zajednički smo na ovu izuzetnu lokaciju doveli vodu i izgradili pristupne puteve do podignutih zasada maline“*, počinje svoju priču Jakub, inače penzionisano vojno lice koji se i sam bavi uzgojem malina. *„Zasad maline površine oko 1,5 dunuma sorte Miker, podigao sam u proljeće 2015 godine“*, nastavlja svoju priču Jakub. *„Ove godine svi zajedno na površini od 2 ha očekujemo rod od 30 tona, sa prosječnom cijenom od 3 KM/kg, očekujemo bruto prihod od 90.000 KM. S obzirom da imamo izuzetne uslove za uzgoj malina, planiramo proširiti postojeće zasade putem „Agro kredita“ Partner MKF. Od Partnerovog tima Tehničkih saradnika, imamo kontinuiranu tehničku pomoć oko uzgoja zasada malina. Agro kredit Partnera je budućnost za mlade na selu koji žele da se bave voćarstvom. Partnerov Agro kredit daje sve uslove za uspjeh u ovoj proizvodnji. U našim selima konstantno se proširuju postojeći zasadi, kako bi svi zajedno bili konkurentniji na tržištu. Osim toga imamo siguran otkup kod našeg lokalnog otkupljiivača „Pronature“, što daje šansu za proširenje postojećih zasada“*, ističe zadovoljno Jakub.

Agro kredit je namijenjen za finansiranje podizanja dugogodišnjih nasada voćnjaka, vinograda, nabavku sistema za navodnjavanje, kao i nabavku plastenika i plasteničke opreme. Od 2009. godine pa do kraja maja 2016. godine, Partner je plasirao ukupno 672 kredita (1.859.628,50 KM), za podizanje dugogodišnjih voćnih zasada na površini oko 1.525 dunuma (152,5 ha), raznih voćnih zasada. Partnerovi klijenti od zasada u roku ostvarili su ukupno 3.011,2 tona prinosa raznog voća. Upoređujući ovaj prinos sa prinosom iz 2015. godine, koji je iznosio 32.305 tona jagodičastog i koštičavog voća, proizvodnja voća u BiH, povećana je za 9,3 %. Partner je plasmanom 672 kredita stvorio najmanje 672 nova radna mjesta i indirektno zaposlio 2.688 radnika u poljoprivredi.



Slika 1: Jakub Spahić iz Zenice u svom malinjaku na brdu Postojan kod Zenice

Ramzudin svojoj djeci obezbijedio radna mjesta

Ramzudin Salihović iz Tupkovića opština Živinice, živi u zajedničkom domaćinstvu sa ocem Latifom, suprugom Bernudinom i dvoje djece. Jedina primanja koja su bila u domaćinstvu su od Ramzudinove plate i Latifove penzije. Na početku školovanja djece, Ramzudin je imao jednu kravu, a proizvedeno mlijeko su koristili za potrebe u domaćinstvu. Morali su početi razmišljati o većoj zaradi, jer od jedne plate nisu mogli školovati djecu i podmirivati troškove u domaćinstvu. Jedino na što su se mogli osloniti je poljoprivreda. Ramzudinov otac Latif je odlučio da pomogne sinu, uložio je svoju skromnu ušteđevinu i napravio savremenu štalu sa svom potrebnom opremom. Salihovići su nabavili traktor, još jednu kravu, te počeli prodavati mlijeko obližnjoj mljekari. Iako su posjedovali 40 dunuma vlastite zemlje i imali sve uslove za proizvodnju mlijeka, nedostajala su im sredstava za nabavku muznih krava.

Salihovići su se odlučili da podignu kredit i odabrali su Partner mikrokreditnu fondaciju. „Partnerov kreditni službenik Anel, ponudio mi je kredit sa povoljnim uslovima. Ono što mi je u tom trenutku bilo najvažnije



je da novac dobijem što brže i bez puno papirologije“, ističe vrijedni Ramzudin. Zahvaljujući sredstvima ovog i narednih kredita koje su podigli u Partner MKF, Salihovići su proširili svoj stočni fond, tako da sada u svojoj štali imaju pet muznih krava. Zahvaljujući iskustvu i stručnoj pomoći Partnerovih agronoma, Ramzudin mjesečno proizvodi 700 litara mlijeka, visokog kvaliteta. Otkupna cijena mlijeka je 0,50 KM po jednoj litri, a uz dodatnih 0,30 KM za ekstra klasu, koju dobija od otkuplivača i 0,2 KM podsticaja od države, Salihovići ostvaruju solidna primanja.

„Djeca su završila školu, ali nemaju zaposlenje u struci. Međutim, zahvaljujući Partneru, proširio sam stočni fond, i tako svojoj djeci obezbijedio radna mjesta“, zadovoljno ističe Ramzudin. Ova vrijedna porodica namjerava širiti kapacitete i povećati broj muznih krava, za šta će im opet trebati dodatna novčana sredstva.

„Uskoro ću ja opet doći kod Anela po kredit“, sa osmijehom dodaje Ramzudin.

Slika 2: Ramzudin Salihović, Tupkovići